

1527 militum, qui Angliæ Regis pecunia sustentabantur, ad decem millia. Reipublicæ vero aderant in Insu-
 bribus, præter equitatum, quindecim peditum millia, quibus oppida, atque
 urbes, quæ nuper in potestatem foederatorum venerant, tue-
 retur, omni spe Francisco Sfortiæ auxiliorum adempta,
 quod summa omnium egestate premeretur, afflictis, ac pe-
 ne everfis urbibus, neque ad illas præsi-
 dias idoneo, ne dum ad emittendas ex foedere copias, ut
 Antonii Levæ conatibus obsisteret; ut totius belli in Gallia
 Cisalpina pondus Reipublicæ incumberet; quæ non minus
 pro Sfortiæ incolumitate, quam pro suis finibus tuendis la-
 borabat, verita, ne vicinis belli facibus imperii fines exar-
 descerent. Quapropter Senatus censebat, augendas vires es-
 se, novos delectus militum habendos; quæ cum perfici, ni-
 si ingenti pecuniæ vi, non possent, ab Henrico Angliæ Re-
 ge flagitabat Senatus, ne difficillimis temporibus Italiæ dees-
 set, cujus dignitatis, ac libertatis semper se patronum fore
 professus fuerat. Verum ille arma se in Germania inferiori
 adversus Cæsarem moturum dictitabat; eo uno Cæsaris ab
 Italia conatus averti posse: Cardinalis vero Eboracensis sua-
 debat, ut Italorum militum numero imminuto, Germano
 milite exercitus roboraretur, quod non nisi cum summa re-
 rum omnium perturbatione fieri posse constans erat senten-
 tia; neque e re communi fore, ut Italæ gentis militari vir-
 tute, corporis, atque animi robore insignis, fama, & existi-
 matio læderetur, a nostrisque ad Cæsareanos transiret; cum
 præsertim Italorum militum fortitudinem in urbibus expugnan-
 dis expertus esset. Neque vero his deterritis quidquam præ-
 termittebat, quod sumptibus ad alendum, atque retinendum ex-
 ercitus faciendis conducere; & jam bellorum diuturnitate ex-
 haustos Reipublicæ thesauros decumis, ac vectigalibus farciebat;
 cum interea cunctorum animos Lautrechii ex Cisalpina Gallia dis-
 cessus admiratione affecisset, quod victoriam, quam manu tene-
 bat, novo consilio defereret, Mediolanique potiundi, quod sem-
 per maxime Galli concupiverant, spes abjiceret, hostes ad extre-
 mam prope desperationem adactos erigeret, jamque confecti belli
 reliquias quandoque non absque magno incremento emerfuras ne-
 gligeret: varia namque cunctorum sermonibus ferebantur, illumque